

Guangjisi Minzcu Bau

ganhhau: CN45-0036 B.2014 Nd.8 Ng.27 liggaeuq gyapngux nienz ndwenbet cosam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3138期

Daengx Gih Minzcuzyangh Yanghcangj Beizyinbanh Youq Nanzningz Gawjhengz

全区民族乡乡长培训班在南宁举行

Bonjbauq siusik(gicej Dangz Lungz/唐龙) 8 nyied 21 daengz 22 hauh, daengx gih minzcuzyangh yanghcangj beizyinbanh youq Nanzningz gawjhengz. Swcigih Minzveij cujyin Luz Yenbenj haeujlaeg youh sijsaeq dwk gangj le minzcuzyangh baenzlawz guh ndei hong minzcuz, de daj geij aen fuengmienh baihlaj neix daeuj gangj: Minzcuzyangh yanghcangj baenzlawz gaemdawz cienzmienh cingzgvang, baenzlawz roxyiuj minzcuzyangh gij yinvu goekgaen, cwngci gyaciz, gunghcoz muzbyauh, baenzlawz

gyagiengz minzveij nem minzcuzyangh doxgap guh hong. Swcigih Minzveij fucujyin Vangz Cigen, Couh Gen camgya hai ban yizsi, Couh Gen guh le “《Minzcuzyangh Hingzcwng Gunghcoz Diuzli》 gejdoeg” nem “minzcuzyangh baenzlawz guh ndei gij hong yanghgingq gek 10 bi banh mbat de”. Swcigih Minzveij fusinziyenz Veiz Cigenh cujciz bae beizyin neix.

Baez beizyinbanh neix faen cuj lwnhyaeng gij genyi gvendaengz gaij dingh 《Minzcuzyangh Hingzcwng Gunghcoz Diuzli》 nem gij genyi

gvendaengz minzcuzyangh gyavaiq fazcanj.

Swcigih Minzveij doenghboux ganbu fucugiz doxhwnj, daengx gih 59 aen minzcuzyangh yanghcangj (yangh dangjveij suhgi, fusuhgi roxnaeuz fuyanghcangj), daengx gih gij si miz minzcuzyangh ndawde doenghboux minzveij cwngfazgoh gohcangj(roxnaeuz doenghboux lingj-dauj fucwz hong minzcuz cwngfaz), daengx gih doenghboux minzcuzgiz gizcangj ndaw yienh(swciyen, si, gih) miz minzcuzyangh de gungh 130 lai boux camgya beizyin.

SIUSIK DINJ

简讯

● 8 nyied, daj Bwzgingh cienz daeuj siusik ndei, bonj sawcuenh raez 《Mizmaj Giuzfuk》 youz boux cozyah Sanhgyangh Duncuz Swciyen heuhguh Moz Cinyungz sij de ndaej Cunghgoz Cozyah Hezvei dinghguh 2014 nienz daengx guek saujsu minzcuz vwnzyoz cungdenj cozbini bangfuz hanghmoeg, neix dwg 2014 nienz daengx guek boux cozyah Duncuz dog ndaej bangfuz.

(Gungh Bujganh)

● Geij ngoenz gonq, Nanzningz Si okdaiz fangh'an, dajsuenq moix bi daihgaiq senj 64 boux gohgi dwzbaiyenz daengz gij yienh(gih) gungzhoj saujsu minzcuz comzyouq de, hopheux gij hong guh canjyez daeuz nem miz daegsaek, sawj gohgi fatok cozyung, vih gij dieg neix daezhawj bangcoengh.

(Veiz Yenzfuz)

● 8 nyied, Mungzsanh Yen Cangzbingz Yauzcuz Yangh Nanzdung Cunh diuz roensuijniz doeng mbanj guh baenz lo, diuz neix raez 8 goengleix, gvangq 4.5 mij, gungh roengzngaenz 496 fanh maenz, neix dwg aen yangh neix 5 aen cunh ndawde diuz roensuijniz doeng mbanj ceiq laeng de guh baenz ndaej yungh. Neix soengq huqlaex hawj 30 hopbi yanghgingq.

(Luz Yungfangh)

● Daj 2008 nienz daeuj, Nanzdanh Yen youq Lijhuz Yauzcuz Yangh Vaizlij, Lijhuz, Yauzlij 3 aen siujyoz nem Lijhuz Cunghyoz hai aen ban swncienz vwnzva minzcuz, moix singhgiz hwnj song dangz goq swncienz, swncienz gij dinfwngz nyibguh ndangdaenj Bwzguyauz, foux conzdungj minzcuz, dwk nyenz nem diyyuz conzdungj daengj.

(Fuz Lungzgyangz)

● Lingzyinz Yen bi'gvaq gungh miz 8 aen yangh(cin) dajndaem 580.42 moux dienzcaet. Ciuq Lingzyinz Yen Nungzyezgiz fugizcangj Yi Yiz lwnh, aen yienh neix bi'gvaq dajndaem dienzcaet gungh ndaej Lingzyinz Yen Nungzcunh Sanghyez Yinzhangz Daigvanj bangboug 880 fanh maenz.

(Vangz Yenzjungz)



Lozyez: Vunzmbanj Saujsu Minzcuz Yawj Dieg Dajndaem Batgak Laisou Baenzfouq

乐业:少数民族村民因地制宜种八角增收致富

Geij ngoenz gonq, gou youq Lozyez Yen Dungzloz Cin Bwzlungz Cunh Mbanjcizfang(aen mbanj saujsu minzcuz comzyouq) yawjraen, geij ranz vunzmbanj saujsu minzcuz cingq youq bakmbanj bangxhenz geij aen saeuq de dawz mbawbatgak coq haeuj ndaw cauq hung bae, yenzlaiz

gyoengqde cingq naengj youzbatgak. Ciuq vunz mbanj neix lwnh, gobatgak mboujdanh lwgmak baenz gai, mbaw nem ngeiq batgak moq hix ndaej gyagoeng baenz youzbatgak gai, gobatgak gaenq baenz “go faex laenq cienz” hawj nungzminz dangdieg laisou baenzfouq.

Ciuq cam rox, makbatgak bi ndaej sou song baez, aen cunh neix bi'gvaq batgak canjlieng daihgaiq miz 250 dun, youzbatgak canjlieng daihgaiq 300 goenggaen, batgak cungcanjciz 260 fanh maenz; moix boux baengh batgak souhaeuj 2000 lai maenz. (Cinz Cinhveih/岑春徽)